



國家清史編纂委員會・文獻叢刊

六編

清代稿鈔本

第二七五冊

國家清史編纂委員會·文獻叢刊

六編

清代稿鈔本

第二七五冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第二七五册目錄

溝洫水利輯說

.....

溝洫水利輯說

八卷

陳仲良
輯


稿本

廣東省立中山圖書館藏

稿本

南陽公溝洫水利輯說

第一本
共八本



此本經水部升呂人鈔成淨本銷去
餘力當即壽諸梨棗

戊申七月肇
重檢謹識

溝洫水利輯說序

理財為國家之大計周官太宰以九賦歛財賄財即穀也耕三餘一耕九餘三以三十年之通制國用而財不可勝用矣然則財必以穀為本而穀實以水為命博民於生穀水利其要乎顧古無所謂水利也決川距海濬畎澮距川蓄洩以時旱潦有備水害除而水利存焉矣故曰聖人能以美利利天下不言所利大矣哉自井田廢溝洫夷於是史起鄭白嚴兒之徒乃爭言水利而渠堰興焉夫川_穿渠而堰之近堰者固

足以資灌溉而涵塞移控亦難免於妄行又況遠渠之地平曠正多旱則千里焦赤潦則萬頃汪洋由川渠之容受者少而沙泥之淤澱尤易也徐文長有言自禹治水後九州諸大水不大泛溢決徙者田以井故也田井間之水自遂而溝而洫而澮溝深廣各四尺洫廣深各倍之蓋取其細流以澤田而水勢之分千條萬派如髮之析而約於梳齒無殖膩不通之患廢井田而開阡陌則凡向所析之細流盡併而為陸矣猶髮之舊約於梳齒者今還束而髻之其勢其力自

悍又何怪乎可謂善喻矣余亦謂溝洫廢即如人之
一身病痿復病腫治渠堰一如治是病者不通其經
絡或祇治其上焦而中焦下焦之病如故或祇治其
中焦下焦而上焦之病如故安能使三焦安和竟
體無恙故川者下焦之大小腸也溝洫者血脉也血
脉流通下焦罔滯豈惟竟體無病壽且康強矣然則
欲美利之徧天下而不為一方一隅之計舍溝洫其
奚從邱文莊曰井田雖不可行溝洫之制則不可廢
文莊之論一倡後之主其說者多所發明咸以為不

可易之論余少即深信其言比長輯有經濟考索一書分門別類搜羅頗富內水利營田一類全主溝洫之說今蒿目時事理財孔亟特取此類重為編輯名言有遺者補之按語未當者更之緣意主溝洫凡河渠水利概不採入意在西北凡東南水利亦從畧焉其言塘浦言開河則備錄取其與溝洫相發明也自經史以至子集時愈近者論愈繁意重心長皆據時之要議也未則附以管見持論雖迂實不出前人之範圍謂之稱先可也謂之剿說可也理惟其是何取

乎異何嫌乎同雖然天下事立論非難行之惟難行之非難成之惟難此亦託之空言耳焉能見之行事而非也易窮則變變則通通則久西北之水潦為敗秦漢以來幾千年矣田曠廢戶逋亡不可謂不窮矣倡變通之論者日益多利害日益明矣機已動一發之而自轉運將開但承之而自行夫吳越古荆蠻地濱於東海之陂黿鼉魚鼈之與處而鼃鼃之與同階而自錢氏割踞而後息兵保境生聚斯繁宋元以還文物聲明貨財賦稅遂甲天下彼沮洳尚可變

為膏腴矧西北本古昔衍沃之地而今天下一家利
權操之自

上設誠致行安在不可挽今而復之古果有契乎大

禹濬決盡力溝洫之旨嘉謀入

謨

告者則是輯也亦足以資考鏡焉

番禺羅山陳仲良撰

溝洫水利輯說卷之一

番禺陳仲良羅山輯

虞書曰予決九川距四海濬畎澮距川

蔡氏沈曰九川九州之川也周禮一畝之間廣尺

深尺曰畎一同之間廣二尋深二仞曰澮畎澮之

間有遂有溝有洫皆通田間水道以小注大言畎

澮而不及遂溝者舉大小以包其餘也先決九川

之水使各通於海次濬畎澮之水使各通於川也

王氏樵曰溝澮田間水道旱則藉其容水潦則欲

其洩水而以川為脉絡者也。早阻昔而川水不入潦
澤而畎澮水不出皆田之患也。川以海為都者也。
不距於海則有侵畎澮之分配陵陸之位者矣。距
海者距海距川者距川血脉流通如一身然。田功
莫大於正經界備旱潦此等大綱領皆定於禹。

按六經言溝洫始此。決川距海胙禹貢一冊水
患既平又治田間之水。田間通水之法畎最小
澮最大。水始於溝注於遂散於畎畎滿仍各注
於遂於溝自溝注於洫自洫注於澮自澮注於

川疏導以法決塞以時然後旱潦無患而萬世
永賴也

周禮遂人掌邦之野凡治野夫間有遂遂上有徑十
夫有溝溝上有畛百夫有洫洫上有涂千夫有澮澮
上有道萬夫有川川上有路以達於畿

鄭氏康成曰十夫二鄰之田百夫一鄰之田千夫
二鄰之田萬夫四縣之田萬夫者方三十三里少
半里九而方一同以南畝圖之則遂縱溝橫
禮義疏云南畝則畎縱而洫縱澮橫九澮而川周
遂當橫此乃東畝之法也

其外焉

馬氏端臨曰右鄭注以為此鄉遂用溝洫之法也用之近郊鄉遂

項氏安世曰先王不能使天下無旱潦能使旱澇不為災有溝以道水而有涂以防水因夫之多寡而為之道水因水之小大而為之防水水則達於川道則達於畿

匠人為溝洫耜廣五寸二耜為耦一耦之伐廣尺深尺謂之畹田首倍之廣二尺深二尺謂之遂九夫為井井間廣四尺深四尺謂之溝方十里為成成間廣八尺深八尺謂之洫方百里為同同間廣二尋深二

似謂之澮專達於川各載其名

鄭氏康成曰此畿內采地之制九夫為井井者方
一里九夫所治之田也采地之制井田異於鄉遂及
公邑三夫為屋屋具也一井之中三屋九夫三三
相具以出賦稅共治溝也方十里為成成中容一
甸甸方八里出田稅緣邊一里治洫方百里為同
同中容四都六十四成方八十里出田稅緣邊十
里治澮馬氏端臨曰右鄭注以為此都鄙
用井田之法也用之野外縣都
陸氏佃曰小司徒九夫為井匠人亦九夫為井井